



Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoq  
Landsstyremedlemmet for Kultur, Uddannelse, Forskning og Kirke  
Minister of Culture, Education, Research and the Church

Inatsisartunut ilaasortaq  
Akitsinnguaq Olsen  
Inuit Ataqtigiit

### **§ 36 tunngavigalugu Tasiilami inuusuttut ilinniarnissaannut periarfissat pillugit apeqqummut akissut**

Inatsisartut suleriaasianni § 36, imm. 1 naapertorlugu Tasiilami inuusuttut ilinniarnissaannut periarfissat pillugit apeqquqeqarsimavutit.

Naalakkersuisut apeqqutinut ima akissutissaqarput:

#### **Apeqqut: Tasiilami inuusuttut qassit 2009-mi meeqqat atuarfianni naammassimasut ilinniagaqalersimappat?**

**Akissut:** Inuusuttut 43-t Tasiilami atuarfimmit 2009-mi naammassimisapput. Qularnaatsumik ilisimaneqarpoq 28-t efterskolinut, ilinniarnertuunngorniarfinnut inuussutissarsiutinullu ilinniarnertuunngorniarfinnut qinnuteqarsimasut. Tamarmik akuerineqarsimisapput.

Kisitsisit Tasiilami atuarfeqarnermik aqutsisunit naatsorsuinernik tunngaveqarput. Oqaatigineqassaaq efterskolimiinnissamat qinnuteqarfissaq sulii qaangiutinngimmat. Taamaattumik ukiumi matumani naammassisunit inuusuttunut 43-sunut tamarmiusunut ilinniartitaanikkut inissisimanerup tamarmiusup paasineqarnissaa sulii ajornarpoq.

#### **Apeqqut: Tasiilami inuusuttut qassit 2009-mi meeqqat atuarfianni naammassimasut suliffissaarusimasutut nalunaarsorneqarsimisappat?**

**Akissut:** Suliffissaaleqisut pillugit kisitsisitigut paasissutissat Naatsorsueqqissaartarfimmit suliarineqartut maanna 2009-mi qaammatit pingasut siulliit angullugit kisitsisaatigineqarput. Aatsaat 2009-mi qaammatit pingasukkuutaartut aappaannut kisitsisit saqqummiunneqarnerannut atatillugu ukioq manna Tasiilami atuarfimmit naammassisut suliffissaarusimasut amerlassusaat naatsorsorneqarsinnaalissaaq. Naatsorsuinerup tamatuma Naatsorsueqqissaartarfimmit septembarip naanerani saqqummiunneqarnissaa naatsorsuutigineqarpoq.

#### **Apeqqut: Inuusuttut suliffinnik sungiusarfissarsiortut nuttarnerusinnaanermut aningaasaateqarfimmit ikiorserneqarsinnaappat?**

**Akissut:** Inuusuttut suliffinnik sungiusarfissarsiortut nuttarnerusitsiniarneq pillugu malittarisassanut ilaatinneqanngillat. Tamatumunnga atatillugu Suliffeqarnermi

10. august 2009  
J.nr. 2007-003194  
Dok nr.213839

Postboks 1029  
3900 Nuuk  
Oq/tel +299 34 50 00  
Fax +299 32 20 73  
Kiiip@gh.gl  
www.nanoq.gl/kiiin

innersuussisarneq il.il. pillugit Inatsisartut peqqussutaat nr. 10, 18. december 2003-imeersoq innersuussutigineqarsinnaavoq, tassani allassimammat ikiorsiinissami pi-umasaqaataasoq sumiiffimmi ataavartumik suliffissaqarnissaq.

Suliffinnik sungiusarnermut atatillugu nuunnermut angalanermullu aningaasartuutit ilinniagaqarnersiuteqartitsivimmit matussuserneqartarput.

**Apeqqu:** Tasiilami avinngarusimasunilu allani suliffinnik sungiusarfissaa-  
leqineq aqqiiviginiarlugu suliffissaqarnikkut ilinniartitaanikkullu iliuusissa-  
nik sunik Naalakkersuisut eqqarsaatersuuteqarpat?

**Akissut:** 2008-mi atuarunnaartut marloriaataanerannut atatillugu suliffinnik sungi-  
usarfeqarnissamik pisariaqartitsineruneq ikorfartorniartarlugu ilinniarfigisami sungius-  
artarnermut 2009-mut Aningaasanut Inatsimmi 2009-mi 7,0 mio. kr.-it 2010-milu  
13,0 mio. kr.-it immikkoortinneqarput. Tamatuma saniatigut aningaasanut inatsimmi  
tassani illoqarfinni annerusuni ilinniartunut ineqarfiliortiternermut aningaasanik im-  
mikkoortitsisoqarpoq. Taamaaliornikkut ilinniartut avataaneersut aamma suliffimmik  
sungiusarnerup nalaani ilinniartunut ineqaannarnissamut periarfissaqalissapput.

**Apeqqu:** Inuusuttut isorliunerusuninngaanneersut iluamik periarfissinneqar-  
sinnaanissaat siunertarlugu illoqarfinni anginerusuni suliffissanik sungius-  
arfissaqarnissaat, kiisalu Nuummi illoqarfinnilu allani anginerusuni ilinniartut  
ineqarfiinik sanaartornissaq Naalakkersuisunit eqqarsaatigineqarsimava?

**Akissut:** Inatsisartut 2009-mut aningaasanut inatsisaanni konto pingaarneq  
20.11.61 naapertorlugu allassimavoq piffissamut 2009-2012-imut Nuummi, Sisimiut  
ni Ilulissanilu qulaani taaneqartunut ilinniartunut ineqarfiliortiternermut aningaasa-  
nik immikkoortitsisoqarsimasoq. Aningaasat mio. kr.-inngorlugit tabellimi allassi-  
mapput.

	2009	2010	2011	2012
Nuuk	10,0	10,0	0,0	0,0
Sisimiut	0,0	5,0	4,2	0,0
Ilulissat	7,0	8,0	0,0	0,0

Ikinngutinnersumik inuulluaqqusillunga

Mimi Karlsen